



**DET KONGELEGE
KOMMUNAL- OG REGIONALDEPARTEMENT**

KOP

Eid fjord kommune
v/ Lisbeth Bygstad Celik
Simadalsveien 1
5783 EIDFJORD

Dykkar ref

Vår ref
11/1313-13 KON

Dato
25 OKT 2011

Statsbudsjettet 2011, Kap. 552, post 72 – Nasjonale tiltak for regional utvikling – tilsegn om tilskott på inntil 390 000 kroner til LivOGlyst Eidjord i Eid fjord kommune – Bulyst 2011

Tilsegningsnummer: 11203011.

Vi viser til

- Utlysing av bulystmidlar på www.regjeringa.no/bolyst
- Søknad frå Hordaland fylkeskommune av 16. mai 2011.

Kommunal- og regionaldepartementet (KRD) gir med dette tilskot på inntil 390 000 kroner til prosjektet "LivOGlyst Eid fjord – me gjer oss heite og attraktive". Prosjektet kan ikkje rekne med ytterlegare medfinansiering frå KRD.

Målet med bulystsatsinga

Målet med satsinga på bulyst er å vidareutvikle kunnskap om korleis lokale og regionale utviklingsprosjekt skapar bulyst og attraktive stader. Dei 44 prosjekta som er valde har ulik innretting, ulike tema og stor geografisk spreiing. Dette viser breidda og variasjonen knytt til omgrepene bulyst. Vi er opptekne av at bulystsatsinga skapar læring, merksemd og engasjement rundt lokalt og regionalt utviklingsarbeid.

Departementet vil oppfordre fylkeskommunane til å ta ein rådgjevar- og støttespelarfunksjon for dei utviklingsprosjekta som no får støtte gjennom bulystsatsinga. Vi ser fylkeskommunane som ein helt sentral nettverksbyggjar og regional tilretteleggar for lokale prosjekt. Med utgangspunkt i fylkeskommunane si rolle som regionale utviklingsaktørar er det naturleg at dei tek støttespelarrolla for

prosjekta. Vi ønskjer at fylkeskommunane inkluderer dei som har lokalt prosjektansvar for bulystprosjekta i sitt arbeid med regional utvikling.

Kompetansesenteret for distriktsutvikling (Distriktscenteret) har ei sentral rolle i arbeidet med bulyst, både når det gjeld kunnskapsbygging og formidling.

Prosjektansvarlege bør også bruke www.distriktscenteret.no. Det er ein viktig portal for å finne erfarings- og forskningsbasert kunnskap frå andre satsingar og prosjekt.

Vi gjer dykk spesielt merksame på at Norsk senter for bygdeforskning har utarbeidd ein rettleiar i lokal samfunnsutvikling. Rettleiaren er utarbeidd som ein del av følgjeevalueringa av den nasjonale småsamfunnssatsinga, som blei gjennomført av KRD i perioden 2006-2009. Rettleiaren kan lastast ned via følgjande lenkje, <http://www.regjeringen.no/upload/KRD/LUK/Fagstoff/Veilederilokalsamfunnsutvikling.pdf>. Vi håper at rettleiaren kan kome til nytte i dykker vidare arbeid, og papirutgåva er difor òg lagt ved dette brevet.

Erfaringsoverføring og læring er ein viktig del av bulystsatsinga. Representantar for prosjektet må difor vere villige til å delta i evalueringar og på eventuelle nettverkssamlingar for å presentere prosjektet og dele kunnskap. Kunnskapsdeling kan skje både mellom dei ulike pilotane, og frå pilotane til Kommunal- og regionaldepartementet og Distriktscenteret. Vi ønskjer at prosjekta skal vere synlege, både lokalt, regionalt og nasjonalt.

Mål for prosjektet

Prosjektet består av tre ulike delprosjekt. Det eine er "Sjøbua – ein duft av Eidfjord". Kommunen har kjøpt ei sjøbu i sentrum av Eidfjord. Planen er at sjøbua skal restaurerast og haldast heilårsopen med tanke på kulturbasert næring knytte(?) til den kulturhistoriske bygningen. Det er eit mål at lokalfolket skal kunne nytte seg av bua til ulike formål.

Det andre delprosjektet er "Hereid – kulturlandskap med historisk sus". Hereid er ein del av Eidfjord sentrum. Prosjektet ønskjer å arbeide vidare med området som har trong for skjøtselplan og meir tilrettelegging for rekreasjonsområde i eit folkehelseperspektiv. Dette vil bli gjort innanfor dei ramma som ligg i Lov om automatisk freda kulturminne.

Det tredje delprosjektet er omdømmebygging. Eidfjord kommune har satt i gang ei omfattande satsing på omdømmebygging. Arbeidet er avhengig av at Eidfjord kommune kan spele på lag med organisasjonar og lag. Hausten 2011 skal to prosjekt leggjast inn under omdømmesatsinga. Det eine er eit filmprosjekt kor elevane lagar filmsnuttar om stader i Eidfjord som er viktige for elevane. Det andre er å knyte seg til noverande "Ekstreme Vøringsfoss race" der prosjektet ønskjer å utvide konseptet til småløyper som høver for alle.

Kostnadsoverslag

Prosjektet har eit totalbudsjett på 1 050 000 kroner. Kommunal- og regionaldepartementet gjev tilsegn om inntil 390 000 kroner over kap. 552, post 72
Dette kostnadsoverslaget ligg til grunn for tilskotet (inkl. mva):

Prosjekt	Samla budsjett
Sjøbu	350 000 kr
Hereid	400 000 kr
Omdømme	300 000 kr
SUM	1 050 000 kr

Vi gjer merksam på at midlar over kap 552.72 ikkje kan nyttast til investeringar i bygningar eller anna fysisk infrastruktur. Tilskotet skal som hovudregel ikkje nyttast til investeringar i utstyr. Unntaket er mindre investeringar som er avgjerande for gjennomføringa av aktiviteten. Tilskot til utstyr skal normalt ikkje overstige 10 pst. av prosjektkostnadane. Sjå retningsliner for posten på www.regjeringen.no/krd/retningslinjer.

Vilkår for utbetaling av midlar:

1. Eidfjord kommune må innan 20. november 2011 stadfeste overfor departementet at det er aktuelt å gjennomføre prosjektet, og at tilskottet vert motteke på vilkåra i dette brevet. Prosjektarbeidet må ikkje settast i gang før den samla finansieringa er på plass. Tilbakemeldinga til departementet må også innehalde opplysninga om kva kontonummer pengane skal overførast til.
2. Prosjektet kan gjere mindre omprioriteringar og justeringar dersom dette er gunstig for å nå måla i prosjektet. Større endringar, som medfører endringar i prosjektet sitt totale budsjett, må godkjennast av departementet.
3. Det skal førast spesifisert rekneskap for arbeidet. Rekneskapen skal settast opp slik at utgiftene kan samanliknast med kostnadsoverslaget som ligg til grunn for tilskottet. Dersom arbeidet ikkje blir utført i omfanget de har skildra i søknaden, eller til dei kostnader de har gitt opp i søknaden, vil departementet redusere tilskotet tilsvarende. Tilskotsmidlar som departementet har utbetalt kan også bli kravd tilbakebetalt, heilt eller delvis. Rekneskapsmaterialet skal oppbevarast i 10 år.
4. Riksrevisjonen, Kommunal- og regionaldepartementet eller dei departementet gir mynde, kan krevje informasjon frå tilskottsmottakar og sette i verk kontroll med at midlane vert nytta etter føresetnadene. Dette er i samsvar med Løyvingsreglementets § 10 og Lov om Riksrevisjonen § 12. Tilskottsmottakarar har plikt til å gje opp dei opplysningane som Riksrevisjonen, departementet eller andre som departementet har delegert kontrollmynde til,